

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DE VALGA PARA A ADQUISICIÓN DE TERREOS PARA A SUPRESIÓN DE PASOS A NIVEL SITUADOS NOS PP.KK. 64/110 E 65/212 DA LIÑA FERROVIARIA REDONDELA-SANTIAGO

MEMORIA XUSTIFICATIVA

O xerente de Turismo de Galicia

DECLARA:

Que esta Axencia de Turismo de Galicia formalizou co Concello de Valga o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2024.

Que o instrumento convencional ten por obxecto establecer o marco de colaboración entre Axencia de Turismo de Galicia e o Concello de Valga para a adquisición por medio do procedemento expropiatorio por parte do Concello dos terreos que se relacionan no anexo a este convenio e do cal forma parte, cun prezo de adquisición de 219.893,66 €, para a supresión dos pasos a nivel situados nos PP.KK. 64/110 e 65/212 da liña ferroviaria Redondela- Santiago.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia de Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.



Para lograr esta finalidade a Axencia de Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- Que o Concello de Valga, no seu propósito da posta en valor do patrimonio cultural existente e co fin de dalo a coñecer ás persoas visitantes que recibe, como un importante sector de desenvolvemento nas zonas rurais, propón a execución de actuacións de recuperación e mantemento en correcto estado de conservación de diferentes bens de interese patrimonial no interior do núcleo, de xeito que as condicións nas que se atopen sexan acordes ó medio onde se emprazan.

O Concello de Valga é un municipio de carácter disperso, cunha superficie de 40,5 km² e unha poboación actual, a día de hoxe, de 5.748 persoas, que está situado nunha zona de paso ás grandes cidades galegas, o que fai que sexa visitado a o longo do ano por unha numerosa cantidade de persoas en busca da oferta cultural e turística existente.

Isto, xunto coa importancia que dende este concello se lle da á recuperación, conservación e posta en valor do patrimonio turístico, arqueolóxico e cultural local, fai que unha das súas prioridades sexa a de cumprir cos principios de calidade e accesibilidade en todos os destinos turísticos, que o concello pretende valorizar como fomento do turismo.

Terceiro.- Que o Concello de Valga manifesta o seu interese na supresión dos pasos a nivel PP.KK. 64/110 e 65/212 da Liña Redondela-Santiago, situados no seu termo municipal; e iso, co fin último de favorecer a seguridade dos cidadáns e dos turistas nos seus desprazamentos polo interior do propio municipio.

O 15 de xullo de 2022 subscribiuse o Convenio entre o Concello de Valga, ADIF e ADIF-Alta Velocidade para a supresión dos pasos a nivel PP.KK.: 64/110 e 65/212 da liña Redondela- Santiago, (RFIG: liña Vilagarcía de Arousa-Bif. Angueira, nº 818, PP.KK.: 27/670 e 26/578) no T.M. de Valga (Pontevedra).

A supresión levouse a cabo mediante a construción de camiños de ligazón e un paso superior que permitirá cruzar as vías no punto quilométrico 65/300 da liña e garantirá a conexión entre ambas as marxes e a accesibilidade para os propietarios de terreos e veciños en xeral.



Pola súa banda, o Concello deu a súa conformidade aos proxectos de supresión e asume o custo da expropiación dos terreos necesarios para realizar as obras -valorado en 219.893,66 €, así como o mantemento e conservación dos elementos construídos (paso superior, sistemas de drenaxe e camiños de ligazón).

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

